

Script of Evening Gojri News Bulletin 18 June 2025 at 1700 Hrs

ایونینگ گو جری نیوز بلیٹن مورخہ 18 جون 2025

یوہ آکا شوانی جموں ہے محمد آصف لودھی تے عالم کان ہکلہ تیں خبر سنو۔ پہلاں خاص خاص خبر۔

*1. وزیر اعظم نریندر مودی نے امریکی صدر ڈونا لڈ ٹرمپ نانہ کہیو ہے کہ بھارت تے پاکستان غا معاملہ مانہ کسے وی تیجا فریق غی کائے لوڑ نہیں ہے تے دبشت گردی غو جواب ہن جنگ غی صورت مانہ دتو جائے گو۔

*2. شری امرناتھ شرانین بورڈ غو کہنو ہے جے اس سال یا تریاں غی خاطر ہوائی خدمات مہیا نہیں کرائی جائیں گی۔ یاتری پیدل یاہ فر گھوڑا غے ذریعے اپنو سفر طے کر سکیں گا۔

*3. حکومت آئندہ 15 اگست تیں 3 ہزار روپیہ سالانہ غی بنیاد ور فاسٹنگ نظام آلو پاس جاری کرن جا رہی ہے۔

*4. جموں کشمیر مانہ تا ولاں ہی مجموعی ہنر ترقیات منصوبہ غی شروعات ہون جا رہی ہے۔ چیف سیکریٹری نے اس سلسلہ مانہ ہدف حاصل کرن غی ضرورت ور زور دتو۔

*5. تے آئندہ 21 تے 22 جون نانہ جموں صوبہ مانہ پہاری بارش ہون غی پیشنگوئی کی گئی ہے۔ 20 جون توڑی موسم خشک رہن گو امکان ہے۔

خبراں غی تفصیل نال پہلاں محمد آصف لودھی۔

PM Trump

وزیر اعظم نریندر مودی نے امریکی صدر ڈونا لڈ ٹرمپ نانہ صاف الفاظ مانہ جواب دیتاں واں کہیو ہے جے بھارت پاکستان غے نال کسے وی معاملہ بارے تیجا فریق نانہ کدے وی قبول نہیں کیو ہے تے نہ ہی کدیں قبول کرے گو۔ 35 منٹ توڑی ٹیلی فون غے ذریعے کی گئی گل بات مانہ وزیر اعظم مودی نے بھارت غی طرفوں پاکستان غے خلاف کیا گیا حالیہ آپریشن سندھو ور ور گل کرتاں واں واضح کیو ہے جے اس دوران بھارت تے امریکہ ہشکار آپسی تجارت بارے کسے وی معاہدہ ور کائے گل بات نہیں ہوئی تھی۔ اس سلسلہ مانہ خارجی معاملات غا سیکریٹری وکرم مسری

نے مزید جانکاری دیتاں واں کہیو ہے جے بھارت ہُن پاکستان غی طرفوں کسے وی دہشت گردانہ کاروائی غو جواب جنگ غی صورت مانہہ دے گو۔ اس سلسلہ مانہہ وکرم مسری نے اس طرح کہیو۔۔ بانٹ۔۔

No Helicopter Services

شری امرناتھ شرانین بورڈ نے اعلان کرتاں واں کہیو ہے جے اس سال امرناتھ یا تریاں غی خاطر ہوائی خدمات مہیا نہیں کی جائیں گی۔ اس سلسلہ مانہہ حکومت غی طرفوں جا ری ایکن حکم نامہ مانہہ پہلگام تے بالتال سمیت دوجا رستان نانہہ آندہ 1 جولائی توں 10 اگست توڑی نا فلائنگ زون قرار دتو گیو ہے۔ ذریعاں نے دسیو ہے جے یاتری پیدل یاہ فر گھوڑا تے پالکی غے ذریعے اپنو سفر ادا کرسکیں۔ شرانین بورڈ نے تمام یا تریاں ور زور دتو ہے جے وے سفر غی خاطر جاری کی گئی ہدایتاں ور سختی نال عمل کرن غی خاطر شرانین بورڈ غی ویب سائٹ ور رجوع کرسکیں۔

Amarnath Yatra Preparations

آتی 3 جولائی تیں شروع ہو رہی شری امرناتھ جی یاترا غا سلسلہ مانہہ جموں کشمیر مانہہ تیاری زوراں سنگ جاری ہیں۔ متعلقہ ضلع انتظامیاں غی طرفوں پُر امن تے محفوظ یا ترہ واسطے تیاریاں نانہہ ہتمی شکل دتی جا رہی ہیں۔ یا ترا غے دوران امن و قانون غی صورتحال نانہہ برقرار رکھن واسطے حفاظتی اقدامات، ٹریفک پولیس غی تعیناتی تے ایجنسیاں غے بشکار تال میل نانہہ یقینی بنایو جا رہیو ہے۔ اسے طرح جموں رام مندر مانہہ مُلک غا کو نہ کو نہ تیں سادھواں غا پُجن غو سلسلو شروع ہو گیو ہے۔ جت اُن واسطے رہائش تے کھان پین غا برابر بندو بست کیا گیا ہیں۔ اس بارے اپنا خیالات غو اظہا ر کرتاں واں اک سادھو نے اس طرح کہیو۔۔ بانٹ۔۔

Fast tag Annual pass

حکومت اس سال 1 اگست تیں 3 ہزار روپیہ سالانہ غی بنیاد ور فاسٹیگ نظام آلو پاس لاگو کرن جا رہی ہے۔ جہیڑو بغیر کسے رکاوٹ غے پورا مُلک مانہہ تمام قومی شاہراں ور سفر کرن غی خاطر استعمال کیو جائے گو۔ واضع رہ جے یوہ فاسٹیگ غی بنیاد آلو سالانہ پاس اک سال توڑی قابل قبول منیو جائے گو۔ ذریعاں نے دسیو ہے جے یوہ پاس کار، جیپ، تے وین جیسی دوجی گڈیاں لاریاں غی خاطر تیار کیو گیو ہے۔ اس سلسلہ مانہہ جانکاری دیتاں واں ٹرانسپورٹ غا وزیر نتن گڈکری نے اس طرح کہیو۔۔ بانٹ۔۔

Maharaja Gulab Singh Coronation

ڈوگرہ ورثہ سے تاریخ نانہہ خراج عقیدت پیش کرن غی خاطر پچھلے تہاڑے اکھنورغا تاریخی جیو پوتا گھاٹ ور مہاراجہ گلاب سنگھ غی تاجپوشی غی یاد مانہہ اک تقریب منعقد کی گئی۔ یاه تقریب اُس یادگار موقع غی مناسبت سنگ منعقد کی گئیجد 1822 مانہہ مہاراجہ رنجیت سنگھ نے گلاب سنگھ نانہہ جموں غو حکمران مقرر کیو تھو۔راج تلک سیلیبریشن کمیٹی نامی اک تنیم نے اس پروگرام مانہہ گربانی، پوجا غی رسومات، اور پھولان کی چادریں پیش کیں۔ تے مہاراجہ گلاب سنگھ نانہہ زبردست خراج عقیدت پیش کیوگیو۔

مزید خبراں نال عالم کان ہکلہ۔ ور اُس تیں پھلاں یوہ پیغام۔(یہ خبر تم آکاشوانی جموں تیں سن ریا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری مو بائل ایپ تے ڈی ٹی ایچ ور وی دستیاب ہیں

HSDP CS

جموں و کشمیر مانہہ مجموعی ہنر ترقیات منصوبہ (ایچ ایس ڈی پی) منصوبہ غو آغاز ہون آلوہے۔ جس غو مقصد مستقبل واسطے ورک فورس تیار کرنو تے پائیدار اقتصادی ترقی کو فروغ دینوہے۔ چیف سیکرٹری اتل ڈولو غی قیادت مانہہ پیش کیا گیا اس منصوبہ مانہہ بکھ بکھ عمر غا گروپاں واسطے مہارت سازی غا رستہ متعین کیا گیا ہیں، جن غو زور روزگار غا مواقع، خود روزگاری اور ذریعہ معاش ور رہ گو

ان منصوباں مانہہ جدید آئی ٹی آنیز، پولی ٹیکنکس، اور مشن یوا اور اسکل خفیہ آپزرویٹری جیسے اقدامات شامل ہیں۔ جن غو مقصد تمام سطحان ور منظم طریقہ سنگ عمل درآمد نانہہیقینی بنانوہے، تانجے جموں کشمیر مانہہ جامع، جدید اور مؤثر اسکل ڈیولپمنٹ کو فروغ دتو جا سکے۔ چیف سیکرٹری اتل ڈولو نے کہیوہے جے جہیڑا وی بدف مقرر کیا گیا ہیں اُن نانہہ طے شدہ ویلے مانہہحاصل کیو جائے گو۔

Gram Utkarsh Rajouri

راجوری غی قبائلی برادری نے ضلع انتظامیہ غو دھرتی آباہا جن جاتہہ گرام اُتکرش ابھیان غے تحت سرکاری سکیمان بارے بیداری عام کرن واسطے شکرپو ادا کیوہے۔ جس غے ذریعے اُن غی سرکاری سکیمان توڑی رسائی نانہہ یقینی بنان غے اُن نانہہ

بااختیار بنائو ہے۔ اس بارے اپنا تاثرات ظاہر کرتاں واں اک شخص نے اس طرح کہیو۔
ہائٹ۔

Special Feature 11 years

یوگ بارے عالمی تہاڑو اس مہینہ غی 11 تاریخ نانہ منایو جائے گو۔ اس سلسلہ مانہ آکاشوانی نیوز تہارے واسطے بھارت غا قدیم رسم و رواج تون عالمی تحریک توڑی یوگ غا ارتقا بارے اک خصوصی پروگرام نشر کر رہیو ہے۔ یوگ روحانی مشق تون عالمی نظم و ضبط مانہ تیار ہوؤ ہے۔ 2014 مانہ وزیراعظم نریندر مودی نے اقوام متحدہ جنرل اسمبلی سنگخطاب کیو تے 21 جون نانہ یوگ غو عالمی تیہاڑو قرار دین غی تجویز پیش کی۔ یہ تجویز زبردست حمایت سنگ منظور ہوئی جس غے بعد ہر سال 21 جون نانہ دنیا پھر مانہ یوگ نانہ عالمی تہاڑے غے طور ور منایو جائے۔ جس سنگ صحت غی ہم آہنگی غے نال نال تمام برادریاں مانہ آپسی امن تے اتفاق بدھایو جا سکے۔

Pre Yoga Announcement

آکاشوانی جموں غا علاقائی خبراں آلا شعبہ غی طرفوں یوگ غا عالمی تہاڑا غا سلسلہ مانہ اک خصوصی 20 منٹ غو گل با تی پروگرام پیش کیو جائے گو۔ یوہ پروگرام بروز جمعہ سویر 9 بج غے 30 منٹ ور نشر کیو جائے گو جس مانہ مہارا مہمان وین غا معروف یوگ آچارہ ڈاکٹر نیلم شرما، جہیڑا یوگنی اہمیت بارے اپنا ماہر خیالات غواظہار کریں گا۔ اس پروگرام کی میزبانی مہاری اینکر شروتی کھجوریہ کریں گی۔ اسے طرح غی معلوماتی نشریات واسطے آکاشوانی میڈیم ویو 303 میٹر یعنی 990 کلو ہرٹز، تے 100 عشاریہ 3 میگا ہرٹز ور سنٹا رہیو۔

Weather

موسم۔ جموں کشمیر مانہ آتا کجھ تہاڑاں مانہ موسم مختلف رہ گو۔ محکمہ موسمیات غے مطابق آندہ 20 جون توڑی موسم خشک رہ گو تے کجھ اک مقامات ور بوندہ باندی وی درج کی جا سکے۔ جد کہ 21 تے 22 جون نانہ جموں خطہ مانہ کنیں تہاریں پہاری تون درمیانہ درجہ غی بارش ریکارڈ کی جا سکے۔ محکمہ موسمیات نے کساناں نانہ مشورو دتو ہے جے آندہ 20 جون تک اپنی ذرعی سرگرمیں جاری رکھ سکیں۔

Volleyball Poonch

كهيڏاڻ نانہ بابدو دين غى خاطر ضلع پونچھ مانہ اک والى بال ٿورنامنٽ منعقد ڪرايو
گيو جس مانہ ضلع پهر غى 7 ٿيم حصولے ربي بيں۔

اس غے نال ہی خبراں غو يوه بليٽن ختم ہوؤ۔